

## LECTIO I.

—EX PATRIBUS.—

Solus denique in terris fuit beatus Joseph magni concilii coadjutor fidelissimus.—*Ber.*—Joseph Sponsus Virginis circumferens Christum nunc in Ægyptum nunc in Judæam designat apostolos Christum prædicantes.—*Hil.*—Habe Joseph cum Maria conjugē tuā commune virginitatem membrorum, quia de Virginis membris virtus nascitur angelorum. Sit Maria Mater Christi in carne sua, virginitate servata. Sis autem et tu Pater Christi cura castitatis et honorificentia virginitatis, ut de virgineis membris Genitricis. Gaude itaque Joseph nimiumque congaude virginitate Mariæ qui solus meruisti virginalem affectum possideri conjugii; quia per meritum virginitatis, ita separatus est à concubitu uxoris, ut Pater dicaris Salvatoris.—*Aug.*

Nos hæc sublimia, &amp;c.

R Deo gratias.

R A Joseph nostri mandatus, Dei Filius Creator cœli et terræ \*Subditus obediensque per multos annos fuit. ¶ Sæpius enim Christus à Joseph ut bonus Filius à Patre, veniam petebat aliquid faciendi. Subditus....

## LECTIO II.

*Joseph et Mariæ corredeemptores generis humani.*

Sanctissima et augustissima Trinitas, quæ lapsurum hominem paulo post creationem præviderat, iam tum decrevit illum ab ima culpa levare per Verbum divinum, qui naturam induens, non angelicam quidem, sed hanc ipsam infirmam et humanam, ut

hac ratione carnem omnem redimeret et salvaret. Quapropter eo ipso modo, quo in protoparentibus stirps humana omnino perierat, ita in Maria ac Josepho per Jesum omnis homo nasceretur. Sed quoniam Adamus et Heva creati fuerunt in statu gratiæ; ita Maria et Joseph in eodem debuerunt generari. Accedit quod Maria et Joseph possint humani generis corredeemptores nuncupari; quia Christus Dominus etiamsi conceptus virtute Spiritus Sancti, nasci voluit de Maria Virgine, Josepho desponsata; unde Jesus non solum fructus est ventris virginis Mariæ, sed etiam virginitatis Josephi, et eo magis, quo iste semper virgo permansit. Illi ergo primum more legis matrimonium inierunt, haud dissimili quam Adamus et Heva progenitores fuerant omnium prevaricatorum. Illi non solum propter castissimam, sed etiam virginalem desponsationem Filium Dei hominem factum sui coniugii fructum meruerunt; istorum vero fructus tot scelerati homines, turba peccatorum, multitudo criminum. Fructus numquam præter modum miratus Josephi ac Mariæ semper Jesus extitit, sanctitas ipsa, et unde virtutes omnes et actus heroici profluere. Demum si Adamus et Heva tenebrarum locum reprobis ditaverunt; Joseph et Maria æternas cœli sedes beatis continuo occupant. O magni, o optimi, o Sponsi mirabiles ita considerati! Et hunc quis a splendentissimo numero unionis hypostaticæ audebit separare, deiiciens in miserum filiorum Hevæ cœtum? Nobis videtur et rationi conformius et dignitati convenientius, dignius, sanctius et verius referre simili modo ac Maria illum absque lethali labe conceptum fuisse.

Nos hæc sublimia, &amp;c.

R Deo gratias.

R In medio Ecclesiae apparuit os plurimorum doctorum; et implevit eam Deus spiritu sapientiae et intellectus. \*Exiit sermo inter fratres quod Dominus Joseph non mortuus est per maculam originale in sua conceptione contractam. ¶ Utinam Sancta Romana Ecclesia suo tempore testimonium de hac quaestione perhibeat, et tunc sciemus quia verum est testimonium eius. Exiit sermo....

LECTIO III.

*Quod Deus coniunxit, homo non separet.*

Sicut decuit, ut Maria ad hoc ut Mater Dei dignissima evaderet, summa puritate apud coelos terrasque niteret, ita etiam decuit ut Joseph purus admodum esset ut verus Dei Pater et vocaretur et haberetur. Si Maria fuit Virgo immaculata, ita et Joseph immaculatus esse debuit, tamquam omnium Virginum rex. Quapropter uterque debuit ante ortum sanctificari, et ambo debebant, uti videtur, concipi sine peccato originali. Sed si Mariam fuisse immaculate conceptam iam nunc per dogma tenetur; ita in Josepho haec ipsamet immaculata conceptio est doctrina ex eius divina vocatione exorients, quam tenuerunt doctores non minoris notae, quam certe de traditionis fontibus hauserunt et Iosephinos omnes magno afficit gaudio et laetitia, quia illis non alio modo cum divina Sponsa Joseph uniri videtur. Quomodo aliunde a Maria poterit Joseph seiungi? quomodo illos separare, quum Dominus de ipsis praecipue dixerit; Quod Deus coniunxit, homo non separet? Et requidem vera possunt separari, quum uterque parentes Christi sint? quum eorum cogitationes, verba et opera una eademque sint? Quomodo

si Paraclytus ipse eos perfectissime unierit, dicens; Noli timere accipere Mariam coniugem tuam quod enim in ea natum est de Spiritu Sancto est? Ergo subiungendum est divinum ipsum Spiritum ab initio illos coepisse coniungi, utrisque concedens esse puros, sanctos et immaculatos.

Nos haec sublimia, &c.

R Deo gratias.

R Per te, potentissime Joseph, anima nostra sicut passer erepta est de laqueo inimicorum nostrorum \*Laquens contritus est et nos liberati sumus. ¶ Adjutorium nostrum in nomine Domini Josephi, qui salvabit nostrum sanctum Institutum. Domine Dominus Joseph, quam admirabile est nomen tuum in universa terra. Adjutorium....

DIA 13 DE FEBRERO.

LECTIO I.

—EX PATRIBUS.—

Quis et qualis homo fuerit Beatus Joseph confice ex appellatione, quae licet dispensatoria, meruit honorari a Deo ut Pater Dei et dictus, et creditus est, confice ex proprio vocabulo. Non est dubium quia bonus et fidelis homo fuerit iste Joseph, quo Mater desponsata est Salvatoris.—*Ber.*—Necessario desponsata est Maria Joseph.—*Ber.*—Simul ut et Joseph domesticus puritatis Mariae testis esset.—*Bas.*—Cur a desponsata conceptus sit? Ut partus ejus celaretur diabolo, dum eum putat non de Virgine, sed de uxore generatum.—*S. Ign.*—Quid interpretationis habet nomen Joseph, nisi quod divinam gratiam significat et expressionem Dei summi?—*Amb.*—Ad hoc munus desponsationis cum Maria, aptissimus inventus est

Joseph.—*Greg. Nis.*—Gaude itaque Joseph, nimirumque congaude virginitate Mariæ qui solus meruisti virginalem affectum possidere conjugii.—*Aug.*

Nos hæc sublimia, &c.

R Deo gratias.

R Noster divinus Joseph est princeps regum terræ,\*Et habet in vestimento et femore suo scriptum, rex regum et Dominus dominantium. ¶ Qui Dominus Christo Domino erat superior, et subditus illi erat. Et....

### LECTIO II.

*Quod Deus coniunxit, homo non separet.*

Semper et ubique coniuncti erant Joseph et Maria Sponsa eius, non secus ac unguis digito, digitus manui, manus brachiis et brachium corpori iunguntur. Maria post resurrectionem et glorificationem tamquam regina et imperatrix coeli et terræ sedet in excelsis; et Joseph, ut eius Sponsus castissimus sedet itidem cum anima simul et corpore: Maria surgit tertio die scandens coelos choru missa mille angelorum, et Joseph post triennium a morte ad gloriam una cum Filio Jesu ascendit. Maria languens amore vitam rediit felicissimam in ulnis sui dilecti Filii, novissimis a sanctis, piis mulieribus primævisque christianis laudibus acceptis, et Josepho, amore liquescenti, Maria et Jesus prospiciunt, tam perfectum, iustumque angeli mirantur; et amoris extasis solvit artus. Maria per tres et triginta annos degit vitam cum Filio, cui ipse ad nutum parebat; et per triginta tantum annos Joseph vixit cum Jesu, et Jesus imitatur Josephum, comes eius ivit eique obedivit; Joseph angeli iussa sibi per somnum revelata Ægyptum fugiendi cum Jesu et Maria exsequi-

tur; et Maria submittitur illi, quem sequitur, cui fidem addicit, a quo, ceu mystica luna cursum post divinum solem faciens, dirigi et permittit et sinit; ambo quoque ita Patrem Æternum glorificant, dum vitam agunt in hoc sæculo, ut possit singillatim unusquisque vere repetere; Cantabiles mihi erant iustificationes tuæ in loco peregrinationis meæ. Et Joseph sic cum Maria unitus, eam in hoc præcipue momento deseruis et, quod principum et origo aliorum nominatur? Absit; visu non possibile est; vellemus e contra sanctissimam hanc coniunctionem iam tum incepisse, quum immaculate conciperentur; immo et, si Maria, quod firmiter tenemus et credimus, fuit concepta immunis a peccato originali, simili modo fuit generatus Joseph.

Nos hæc sublimia, &c.

R Deo gratias.

R Gaudeamus in Domino omnes filii Josephi, de cuius immaculata conceptione gaudent angeli et colaudant Filium Dei.\*Ecce Sanctus Joseph, qui in diebus suis semper et in omnibus placuit Deo et non inventus est similis illi, qui conservaret legem Excelsi. ¶ Posuiste, Domine, in capite eius coronam sanctorum omnium. Ecce Sanctus Joseph....

### LECTIO III.

*Quod Deus coniunxit, homo non separet.*

Sanctum Evangelium sequentes enarrare possumus viros perfectissimæ unionis inter Mariam et Josephum existentes, ex quibus posse concludere immaculatam S. Josephi conceptionem videmur. Et sane, Maria conservabat in corde suo omnia, quæ de puero a pastoribus, magis, Simeone et Anna aliisque fuerant dicta, secum conferens, non propter

eorum ignorantiam sed ob quemdam affectum reverentiæ erga divina mysteria; et Joseph non secus erat miratus, nam huiusmodi eventus, ita erant obiectum deliciarum suarum et cogitationum omnium, verborum et operum, ut per sæpe non esset apud seipsum præ ipsorum contemplatione. Quapropter S. Lucas sermonem de Josepho et Maria habens, dicebat; Erant Pater Jesu et Mater mirantes super his, quæ dicebantur de puero. Maria, puerum modo natum toto corde et anima amabat, eum summo gaudio ineffabilique lætitia adorans; at nullum intercedebat instans, quo Joseph illi non præstaret signa ferventis amoris et perfectioris adorationis; Maria paret Edicto Cæsaris iubentis ut ad Bethlehem adirent ad inscribendum; et Joseph assumpsit Mariam partu divino pregnantem, eamque ducit in civitatem avorum eius; Maria prompte obedit angelo dicenti; Visita Elisabeth suum canit coeleste magnificat, et Joanni, illiusque parentibus maxime gratulatur; Joseph autem comitatur illam, per montana conducit loca, in Zachariæ domum introducit; beatos ipse parentes salutatur, quibuscum lætatur propter Joannem cito nasciturum, et cum Zacharia grandia stupet mysteria promissi Messiae eiusque Precursoria. Quam magnus est Joseph! quam consona vita eius vitæ Mariæ! Ideo verius nobis dicendum est; quod Deus coniunxit, homo non separet. Ast mentis ita capti erimus, ut a primo, quod est eius conceptio, instanti separaremus? Iterum ergo dicamus, quod si Maria fuit a labe originali liberata, Josephum similiter fuisse conceptum videtur.

Nos hæc sublimia, &c.

R. Deo gratias.

R. Quum medium silentium tenerent omnia et nox temporum in suo cursu medium iter haberet, omnipotens Pater noster Joseph, tamquam protector omnium Ecclesiarum de coelis a regalibus sedibus venit.\*Speciosus forma prae filiis hominum, diffusa est gratia in labiis suis tamquam immaculatus in sua conceptione. ¶ Eructavit cor meum verbum bonum, lingua mea calamus scribæ velociter scribentis. Speciosus forma . . .

DIA 14 DE FEBRERO.

LECTIO I.

—EX PATRIBUS.—

Erant Joseph et Maria justi, quia ambobus una justitia.—*Pet. C.*—Joseph et Maria erant unus spiritus.—*Amb.*—Sic existimo, si quis ab ultimis terrarum finibus, atque ex universo hominum genere, præstantissimum conjugum inter Josephum et Mariam studiusset, nullum umquam hoc præstantius, abtiusque reperiri potuisset.—*Greg. Na.*—Virum Mariæ hoc est prorsus ineffabile et nihil præterea dici potest.—*Damas.*—Maria et Joseph, ambo nobilissimi, de domo et familia David.—*Ber.*—Non quia ex Spiritu Sancto est, idcirco te Josephum a ministerio tantæ aestimæ dispensationis extraneum.—*Chrys.*—Et erat subditus illis. Quis? quibus? Deus hominibus; nec tantum Mariæ, sed et Joseph. Utrunque super! utrinque miraculum!—*Ber.*—Christus in prima aetate subditus Joseph, omnem laborem corporalem et obedienter sustinuit. Jesus autem Josepho subdito, omnium etiam simul perferendo labores obedientiam declaravit.—*Bas.*

Nos hæc sublimia, &c.

R Deo gratias.

R Dicunt aliquando reges, praeclarus est mihi minister,\*Et divinus Joseph possit dicere. ¶ Ministros ego habui quibus meliores nec Deus habet, sed nec habere potest. Et....

### LECTIO II.

*Quod Deus coniunxit, homo non separet.*

Inter divinas relationes, quas inter Josephum et Mariam numeravimus, adhuc aliae videntur adstruendae et obtutu valde dignæ quibus iuvat etiam posse conceptionem immaculatam S. Josephi concludere. Maria totam vitam agit in templo Jerusalem in sanctificatione intenta, ut aperte constaret omnibus eius virginitatis professio; Joseph sanctificationem propriam in artificina perficit, oraculi species habens ob virginitatem servatam coram iudeis omnibus. Maria seligitur ad nuptias cum Josepho, Spiritu Sancto communicante atque inspirante sacerdotibus templi; Joseph autem sortitur illam in Sponsam postquam singulare signum factum est. Maria stupet absque turbatione cordis tamen ad verba Gabrielis archangelis, modo namque perfectissimo nunciatum sibi mysterium sciebat; similiter obstupescit Joseph videns ingravescentem Sponsam propter Dei Filii incarnationem; fidens tamen animi, quin cogitationis nequam esset conscius, quum magno potius stupore sibi videret iamdudum convenire divinum cognomen Patris Aeterni Filii, et terque quaterque humilior Petro aiebat; Exi a me, Domina, quia servus Dei ego sum. Hac propter angelus, qui Mariae solatium praeiuit, dicens; Ne timeas, Maria, inventisti enim gratiam apud Deum, ad consolandum

Josephum, ait; Joseph, fili David, noli timere accipere Mariam coniugem tuam. Si autem Maria nituit per omne tempus ea sanctitate, qua potioem sub coelo cogitari nemo potest, Joseph maiori post Mariam puritate semper eluxit. Unde iure videmur concludere posse, quod si Maria sine corde culpæ originalis concepta fuit, absque culpa Joseph debuit etiam concipi.

Nos hæc sublimia, &c.

R Deo gratias.

R Notum fecit Dominus Joseph salutare suum in Universa Ecclesia,\*et ante conspectum omnium filiorum tuorum revelasti tuam potentissimam protectionem. ¶ Haec dies illuxit nobis, et descendit lux magna super nos. Et ante conspectum....

### LECTIO III.

*Quid esset Joseph immaculatus in sua conceptione.*

Quum de conceptione immaculata D. Josephi agimus, maximo ex modo nobis expedit nostram statuere idaeam eamque oculis clare praeberere; ne forte credatur nos velle aliquid illi tribuere, supra ea quae ipsius propria videntur. Itaque, quum illum exhibeamur immaculatum in conceptione, minime nobis ea insidet mens ut asseramus eum esse idem ac Maria, quemadmodum nequaquam affirmamus Mariam idem esse ac Jesum, quum de ipsorum gloriis præconium apud populum faciamus. Volumus tantum dicere in omnibus nostris articulis de possibilitate immaculatae Josephi conceptionis illum non fuisse conceptum in foeditate culpæ, quia indecorum esse videtur unicum illum inter mortales et inter omnes homines benedictum, quem Deus ipse

seiunxerat ab omni humana specie ut efformaret quinimo etiam praecesset Augustæ Trinitate terræ originale peccato esse coinquinatum.

Nos hæc sublimia, &c.

R Deo gratias.

R Sacerdotes tui, Domine Joseph, induant iustitiam et tamquam sancti tui ita exultent ut non avertas ab illis faciem Christi tui.\*Utinam de unoquoque dicere possimus. ¶ Ecce sacerdos magnus, qui in diebus suis placuit Deo et inventus est iustus et in tempore iracundiæ factus est reconciliatio. Utinam....

#### DIA 15 DE FEBRERO.

##### LECTIO I.

—EX PATRIBUS.—

Quid est porta in domo Domini clausa, nisi quod Maria semper erit intacta? Et quid est homo non transibit per eam, nisi quod Joseph non cognoscat eam? Et quid est Dominus solus intrat, et egreditur per eam nisi quod Spiritus Sanctus impregnabit eam, et angelorum Dominus nascetur per eam? Et quid est clausa erit in æternum nisi quod Maria Virgo est ante partum et Virgo in partu, et Virgo post partum?—*Aug.*—Et erat subditus illis: id est, subjectus, obediens, scilicet, quoad humanam naturam, quam à Matre hauserat, non quoad divinam, quam à solo Patre Æterno acceperat, ita plane et perfecta, ut per omnia ei esset æqualis et in nullo subditus.—*Aug.*—Joseph multis de causis in Sacra Scriptura vocatur Pater Christi.—*Hier.*—*Amb.*—*Chris.*

Nos hæc sublimia, &c.

R Deo gratias.

R Suprema dignitas est in nostro divino Josepho, \*Ut verus virginis Mariæ Sponsus, ut verus virginalis Pater Jesu. ¶ Ergo ab omnibus Josephinis ex toto corde noster divinus Joseph venerari debet. —Ut....

##### LECTIO II.

*Ex desponsatione S. Josephi cum B. V. Maria.*

Conceptionem purissimam et immaculatam D. Josephi eruendam etiam videtur ex divino sacroque connubio quod, Deo imperante, cum B. Virgine Maria celebravit; sicut enim ab æterno illa fuit electa immaculata ut dignissima Dei genitrix esset, sic etiam D. Joseph fuit conceptus sine macula, nostro saltem intuitu, ut dignissimus Dei Pater esset. Desponsatio D. Josephi et B. Virginis quum ab æterno a Deo ordinata sese haberetur, temporis decursu fuit effecta ad exactissime adimplenda prophetarum verba, postquam ideo angelus certiore fecit Josephum de eius divina Spousa accipienda, adidit omnia hæc ita fuisse patrata ut fieret quod Isaias antea prædixerat, quoniam id quod de virgine Josepho desponsata natum fuerat, de Spiritu Sancto erat. Angelus autem Josepho salutans, loquitur a Deo, magna evolvit Incarnationis mysteria, manifestam facit Mariæ castimoniam, ipsumque etiam declarat Mariæ ita similem ut ei desponsari meruerit et asserit demum illum esse unicum inter mortales qui inveniit eam concepisse ex opere Spiritus Sancti. Hic autem Joseph ita unicus et immunis maculatione esset horribili foeditate originalis peccati? Minime credibile esse videtur; si namque ita se res haberet, magna admodum Josephum inter et Mariam dissi-

militudo oriretur; qua de causa a sacro connubio incipientes, immaculatam Josephi conceptionem ex mundissima Mariæ inferendam posse confitemur.

Nos hæc sublimia, &c.

R Deo gratias.

R Multifarie olim Deus loquens patribus in prophetis, novissime diebus istis locutus est nobis in Filio,\*qui natus per Spiritum Sanctum ex Maria, datus est Josepho quia ambobus datus est. ¶ Sui sunt coeli, Domine Joseph, et tua est terra per tuam potentissimam protectionem super Ecclesiam catholicam. Sui sunt. . . .

### LECTIO III.

*Ex desponsatione S. Josephi cum B. V. Maria.*

Non fortuito D. Josephi et B. Mariæ Virginis factum fuit connubium, quam ab æterno a Deo ordinatum fuerat, sed quodam stupendo miraculo Deus ipse intervenit; collectis enim in tabernaculo amygdaliciis virgis siccis, solummodo Josephi virga floruit apparuitque etiam Spiritus Sanctus supra eius verticem. Ex hoc quidem ipso Ecclesia Doctores Hieronymus, Gregorius Nicenus, Germanus et Damascenus mirati sunt admodum magnam, unicam, totam coelestem dignamque Josephi dignitatem. Quibus argumentis nitentur? a quo principio proficebantur? quamnam lucem a traditione acceperant? Sic aiebant; Josepho tradita fuit Maria, vera eius coniux, ipse eam accepit, sicuti Dei genitricem, cœlicolarum reginam, mundi, omniumque mortalium dominam veramque parentem ipse in domum attulit. Ideoque nos etiam conjicimus, postquam id Ecclesia iam declaraverit, nihil esse sublimis dignitate Josephi cum Maria desponsati, tunc enim

exactissime expleta fuit prophetia Isaiæ dicentis; Egredietur virga de radice Jesse et flos de radice eius ascendet, et requiescet super eum Spiritus Domini. Num enim hic Joseph originali maculatus fuisset peccato? Speramus quidem suo tempore esse quoque Sanctissimi Patriarchæ conceptionem immaculatam immunemque ab omni culpa declarandam.

Nos hæc sublimia, &c.

R Deo gratias.

R Sederunt principes tenebrarum et adversum nostrum Institutum loquebantur et iniqui persecuti sunt illud.\*Adima, Domine Joseph, omnes filios tuos, quia servi tui sumus exercentes in tuis iustificationibus. ¶ Beati immaculati in via, qui ambulant in lege Domini, quia videbunt coelos apertos et Jesum stantem a dextris virtutis Dei. Adima, Domine. . . .

### DIA 16 DE FEBRERO.

#### LECTIO I.

—EX PATRIBUS.—

Interpretatur enim Joseph, augmentum sive appositio. Confice ergo ex hac appellatione, qua licet dispensatoria meruit honorari a Deo, ut Pater Dei dictus et creditus sit. Confice ex proprio vocabulo, quod augmentum non dubiter interpretari, quis et qualis fuerit homo iste Joseph: Simul et memento magni illius quodam patriarchæ venditi in Ægypto. Illi data est intelligentia in mysteriis somniorum; iste datum est conscium fieri atque participem coelestium sacramentorum: ille frumenta servavit non sibi, sed omni populo; iste panem vivum de coelo

servandum accepit, tam sibi quam toti mundo. Non est dubium, quin fidelis et bonus homo fuerit iste Joseph, cui Mater desponsata est Salvatoris. Fidelis servus et prudens quem constituit Dominus suae Matris solatium, suae carnis nutritium solum denique in terris magni consilii coadjutorem fidelissimum — *Ber.*

Nos haec sublimia, &c.

R Deo gratias.

R Noster divinus Joseph non solum est Pater Christi singularis,\* Sed etiam Pater fidelissimus omnium filiorum et filiarum. ¶ Suo sancto Instituto Josephino revera componentium. Sed....

#### LECTIO II.

*Ex desponsatione S. Josephi cum B. V. Maria*  
Matrimonium B. Virginis Mariae cum Sanctissimo Patriarchae Josepho ab ipso Deo fuit institutum, ut et omne salvaret genus humanus et nos miseros Adami filios per ipsius divinum fructum, scilicet, Jesum, redimeret, juxta verbo Matthei sic se habentis; Quum esse desponsata Mater Jesu Maria Joseph. Ei igitur connubium Adami et Heva nos perdidit; e contra Maria desponsatio cum Josepho nos omnes salvos fecit; omnis quidem calamitas, omniaque mala in Heva, quum serpenti se fideret, initium certissime ducunt, sed ex adversi omnium bonorum fons invenitur in Maria, quae non dubitavit de Archangelis dictu; Heva delapsa in peccatum in illud etiam proiecit virum suum omnemque eius posteritatem, et e converso Maria Josepho matrimonio coniuncta per Jesum omnes salvat peccatores. Adamus Heva accepit, Deo dicenti; faciamus ei adiutorium simile sibi, et Maria

Josepho fuit tradita, cum in eius gratiam diceret etiam Altissimus; faciamus ei adiutorium simile sibi. Quam magnus, quam egregius est Joseph in sancta eius vocatione! quam unicus in suis omnibus actibus! Idem est ac si aeternus dixisset; non oportet mei Unigeniti genitricem esse solam, faciamus ei Josephum in adiutorium. Quum hoc ita sese habeat, quis unquam mortalium cogitare poterit Josephum non esse omnino similem Mariae? Joseph, iuxta Sanctam Ecclesiam, fuit purissimus in Virginitate, profundissimus in humilitate, ardentissimus in charitate, altissimus in contemplatione, valdeque etiam sollicitus de Maria et Jesu. Fuit ergo Joseph fidelissimus homo, cui in purissimo connubio B. V. Maria fuit tradita, fuit fidelis et prudens servus, quem constituit Dominus in eius Matris adiutorium, divini pueri nutritium, fidelissimumque coadiutorem magni consilii, fuit etiam electus ut per eum immensus cumlaretur nostrae redemptionis fructus, frangens in cruce nostrae condemnationis instrumentum, juxta Apostolum dicentem; Affixus cruci chirographum decreti, quod erat contrarium nobis, spolians principatus et potestates. Si enim Adamus, qui nos omnes perdidit, in peccato non fuit conceptus, cur non Joseph qui nos salvos fecit, conceptus fuerit in gratia? Videtur non credibile.

Nos haec sublimia, &c.

R Deo gratias.

R Bonum est confiteri Domino Josepho est psallere nomini protectoris Sanctae Ecclesiae.\* Domine Dominus Joseph, quam admirabile his temporibus nomen tuum in universa terra. ¶ Laudate, pueri,

Josephum, laudate nomen Domini Josephi. Domine Dominus....

## LECTIO III.

*Ex desponsatione S. Josephi cum B. V. Maria.*

Sanctissimum omnium fuit D. Josephi cum B. Virgine Maria matrimonium, omnino coeleste et divinum, quod carens omni carnis corruptione utrumque coniugem ita univit in ardentissima fide, coeleste spiritu, munditiaque adeo singulari ut quum duo virginitates coniunctæ ex illis oriendus erat gratissimus flos Christus Jesus, Joseph autem propter singularem eius desponsationem cum Virgine constitutus est vir sanctissimus, quoniam uxorem duxerat egregiam propter ipsius sanctitatem, constitutus etiam Dominus illius magni muneris, per antonomasiam nuncupatum divinum donum, eius siquidem coniux Maria virgo fuit prudentissima supra quam cuique est credibile, ac declaratus tandem unus hominum beatus, quia semel ac ipse in domum introibat semper cum Maria loquebatur, somno placide indulgebat in ipsa domo qua Maria laboribus vacabat, semperque eo felicius cum Maria confabulabatur quo nunquam in ea moestitiam, poenam afflictionemve invenerit sed potius ex eo magnum afferebat cumulum gaudiorum ac spiritualis lætitiæ. Hic ergo Joseph conceptus ne fuisset, sicuti quisque mortalium in originali labe? Non credibile apparet, et suo tempore credimus hac coniecturam nobis adeo iucundam fidei dogmaticæ documentum esse declarandam.

Nos hæc sublimia, &c.

R Deo gratias.

R Angelus Domini apparuit in somnis Joseph,

dicens; accipe puerum et Matrem eius et vade in terram Israel.\*Qui consurgens accepit puerum et Matrem eius et venit in terram Israel. ¶ Et veniens Joseph cum Jesu et Maria habitavit in civitate, quæ vocatur Nazareth. Qui consurgens....

## DIA 17 DE FEBRERO.

## LECTIO I.

—EX PATRIBUS.—

Verum civitas Joseph fuit Nazareth ortu et habitatione, licet parentum origine Bethlehem extiterit, utpote de domo et familia David. Nazareth idem est, quod flos, vel virgultum, sive sanctio, quæ interpretatio convenit Christo, juxta illud, egredietur virga de radice Jesse, et flos de radice ejus ascendet. Nam Christo apparente, proprietates floris totus mundus expertus est: legis namque veteris hiems transiit, tempus innovationis humanæ, humanæ naturæ per gratiæ diviniæ exuberantiam advenit; fructus coelestium donorum appropinquavit, medicinam sacramentorum confecit, sensus vanitate rerum temporalium, virtute sua destitutas, bono odere refecit, coronandis demum pro peccatoribus venit.—*Hier.*

Nos hæc sublimia, &c.

R Deo gratias.

R O Domine Joseph, filius tuus per te factus est frater noster.\*Et tu per ipsum factus est Pater noster. ¶ Dic anima mea cum magna mentis fiducia. Exultabo in te semper et pro semper. Et....

## LECTIO II.

*Ex desponsatione S. Josephi cum B. V. Maria.*  
Matrimonium D. Josephi cum B. V. Maria fuit.